

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं  
--

कृष्ण यजुर्वेदिय तैत्तिरीय संहिता क्रम पाठः

प्रथम काण्डे तृतीयः प्रश्नः

---

## **Table of Contents**

1 कृष्ण यजुर्वेदिय तैत्तिरीय संहिता क्रम पाठः .....	3
1.3 प्रथम काण्डे तृतीयः प्रश्नः – (अग्निष्टोमे पशुः) .....	3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

1 कृष्ण यजुर्वेदिय तैत्तिरीय संहिता क्रम पाठः

1.3 प्रथम काण्डे तृतीयः प्रश्नः – (अग्निष्टोमे पशुः)

T.S.1.3.1.1 - Kramam

दे॒वस्य॑ त्वा । त्वा स॒वि॒तुः । स॒वि॒तुः प्र॒सवे॑ । प्र॒सवे॑ऽश्वि॒नोः॑ ।  
प्र॒सव॑ इति प्र – स॒वे । अ॒श्वि॒नोर् बा॒हुभ्या॑म् । बा॒हुभ्या॑म् पू॒ष्णः ।  
बा॒हुभ्या॑मिति बा॒हु – भ्या॑म् । पू॒ष्णो ह॒स्ताभ्या॑म् । ह॒स्ताभ्या॑मा ।  
आ द॒दे । द॒देऽभिः॑ । अ॒भि॒रसि॑ । अ॒सि ना॒रिः । ना॒रि॒रसि॑ ।  
अ॒सि परि॑लिखितम् । परि॑लिखित॒ रक्षः॑ । परि॑लिखितमिति  
परि॑ – लि॒खित॒म् । रक्षः॑ परि॑लिखिताः । परि॑लिखिता अ॒रा॒तयः॑ ।  
परि॑लिखिता इति परि॑ – लि॒खिताः॑ । अ॒रा॒तय॑ इ॒दम् । इ॒दम॒हम् ।  
अ॒ह रक्ष॑सः । रक्ष॑सो ग्री॒वाः । ग्री॒वा अ॒पि । अ॒पि कृ॑न्तामि ।  
कृ॑न्तामि यः । योऽस्मा॑न् । अ॒स्मा॑न् द्वेष्टि॑ । द्वेष्टि॑ यम् । यम् च ।  
च व॒यम् । व॒यम् द्वि॒ष्मः । द्वि॒ष्म इ॒दम् । इ॒दम॒स्य । अ॒स्य ग्री॒वाः ।

ग्री॒वा अ॒पि । अ॒पि कृ॒न्ता॒मि । कृ॒न्ता॒मि दि॒वे । दि॒वे त्वा ॥  
 त्वा॒ऽन्त॒रि॒क्षाय॑ । अ॒न्त॒रि॒क्षाय॑ त्वा । त्वा पृ॒थि॒व्यै । पृ॒थि॒व्यै त्वा ॥  
 त्वा शु॒न्धता॑म् । शु॒न्धतां॑ लो॒कः । लो॒कः पि॒तृष॑दनः । पि॒तृष॑द॒नो  
 यवः॑ । पि॒तृष॑दन इति पि॒तृ – स॒दनः॑ । यवो॑ऽसि । अ॒सि य॒वय॑ ।  
 यवया॑स्मत् । अ॒स्मद् द्वे॒षः । द्वे॒षो य॒वय॑ । 1 (50/55)

**T.S.1.3.1.2 - Kramam**

यवया॑रा॒तीः । अ॒रा॒तीः पि॒तृणा॑म् । पि॒तृणा॑ꣳ स॒दनम् । स॒दन॑म॒सि ।  
 अ॒स्युत् । उद् दि॒वम् । दि॒वꣳ स्त॒भान॑ । स्त॒भाना॑ । आ॒ऽन्त॒रि॒क्षम् ।  
 अ॒न्त॒रि॒क्षम् पृ॒ण । पृ॒ण पृ॒थि॒वीम् । पृ॒थि॒वीम् दृ॒ह । दृ॒ह द्यु॒तानः॑ ।  
 द्यु॒तान॑स्त्वा । त्वा मा॒रुतः॑ । मा॒रुतो॑ मि॒नोतु॑ । मि॒नोतु॑ मि॒त्राव॑रु॒णयोः॑ ।  
 मि॒त्राव॑रु॒णयोर् ध्रु॒वेण॑ । मि॒त्राव॑रु॒णयोरि॑ति मि॒त्रा – व॑रु॒णयोः॑ ।  
 ध्रु॒वेण॑ ध॒र्मणा॑ । ध॒र्मणा॑ ब्र॒ह्मव॑निम् । ब्र॒ह्मव॑निम् त्वा । ब्र॒ह्मव॑नि॒मिति॑  
 ब्र॒ह्म – व॑निम् । त्वा क्ष॒त्रव॑निम् । क्ष॒त्रव॑निꣳ सु॒प्रजा॑व॒निम् ।  
 क्ष॒त्रव॑नि॒मिति॑ क्ष॒त्र – व॑निम् । सु॒प्रजा॑व॒निꣳ रा॒यस्पो॑षव॒निम् ।  
 सु॒प्रजा॑व॒निमि॑ति सु॒प्रजा॑ – व॒निम् । रा॒यस्पो॑षव॒निम् परि॑ ।

प्रथम काण्डे – तृतीयः प्रश्नः – (TS 1.3)

रा॒य॒स्पो॒ष॒व॒नि॒मि॒ति॒ रा॒य॒स्पो॒ष॒ – व॒नि॒म् । प॒र्यू॒हा॒मि॒ । ऊ॒हा॒मि॒ ब्र॒ह्म॒ ।  
ब्र॒ह्म॒ दृ॒ह॒ । दृ॒ह॒ क्ष॒त्र॒म् । क्ष॒त्र॒म् दृ॒ह॒ । दृ॒ह॒ प्र॒जा॒म् । प्र॒जा॒म्  
दृ॒ह॒ । प्र॒जा॒मि॒ति॒ प्र – जा॒म् । दृ॒ह॒ रा॒यः॑ । रा॒य॒स्पो॒ष॒म् । पो॒ष॒म्  
दृ॒ह॒ । दृ॒ह॒ घृ॒ते॒न॑ । घृ॒ते॒न॑ द्या॒वा॒पृ॒थि॒वी॒ । द्या॒वा॒पृ॒थि॒वी॒ आ॒ ।  
द्या॒वा॒पृ॒थि॒वी॒ इति॑ द्या॒वा – पृ॒थि॒वी॒ । आ॒ पृ॒णे॒था॒म् । पृ॒णे॒था॒मि॒न्द्र॒स्य॑ ।  
इ॒न्द्र॒स्य॑ स॒दः॑ । स॒दो॑ऽसि॒ । अ॒सि॒ वि॒श्व॒ज॒न॒स्य॑ । वि॒श्व॒ज॒न॒स्य॑ छा॒या॒ ।  
वि॒श्व॒ज॒न॒स्ये॒ति॒ वि॒श्व – ज॒न॒स्य॑ । छा॒या॒ परि॑ । परि॑ त्वा ।  
त्वा॒ गि॒र्व॒णः॑ । गि॒र्व॒णो॒ गि॒रः॑ । गि॒र॒ इ॒माः॑ ( ) । इ॒मा॒ भ॒व॒न्तु॑ ।  
भ॒व॒न्तु॑ वि॒श्व॒तः॑ । वि॒श्व॒तो॒ वृ॒द्धा॒यु॒म् । वृ॒द्धा॒यु॒म॒नु॑ । वृ॒द्धा॒यु॒मि॒ति॑  
वृ॒द्ध – आ॒यु॒म् । अ॒नु॒ वृ॒द्ध॒यः॑ । वृ॒द्ध॒यो॒ जु॒ष्टाः॑ । जु॒ष्टा॒ भ॒व॒न्तु॑ ।  
भ॒व॒न्तु॑ जु॒ष्ट॒यः॑ । जु॒ष्ट॒य॒ इ॒न्द्र॒स्य॑ । इ॒न्द्र॒स्य॑ स्यूः॑ । स्यू॒र॒सि॑ ।  
अ॒सी॒न्द्र॒स्य॑ । इ॒न्द्र॒स्य॑ ध्रु॒व॒म् । ध्रु॒व॒म॒सि॑ । अ॒स्यै॒न्द्र॒म् । ऐ॒न्द्र॒म॒सि॑ ।  
अ॒सी॒न्द्रा॒य॑ । इ॒न्द्रा॒य॑ त्वा । त्वेति॑ त्वा ॥ 2 (68/77)

(द्वेष – इमा – अष्टादश च) (A1)

**T.S.1.3.2.1 - Kramam**

रक्षो॑ह॒णो॑ व॒लग॒हनः॑ । रक्षो॑ह॒ण इति॑ रक्षः॑ – ह॒नः॑ । व॒लग॒हनो॑  
 वैष्ण॑वान् । व॒लग॒हन इति॑ व॒लग – ह॒नः॑ । वैष्ण॑वान् ख॒नामि॑ ।  
 ख॒नामी॒दम् । इ॒दम॒हम् । अ॒हम् तम् । तं व॒लगम् । व॒लग॒मुत् ।  
 व॒लग॒मिति॑ व॒ल – गम् । उ॒द् व॒पामि॑ । व॒पामि॑ यम् । यम् नः॑ ।  
 नः॑ स॒मानः॑ । स॒मानो॑ यम् । यम॑स॒मानः॑ । अ॒स॒मानो॑ नि॒च॒खान॑ ।  
 नि॒च॒खाने॑दम् । नि॒च॒खाने॑ति॒ नि – च॒खान॑ । इ॒दमे॑नम् । ए॒नम॑ध॒रम् ।  
 अ॒ध॒रम् करो॑मि । करो॑मि यः । यो नः॑ । नः॑ स॒मानः॑ । स॒मानो॑ यः ।  
 योऽस॑मानः॑ । अ॒स॒मानो॑ ऽरा॒तीय॑ति । अ॒रा॒तीय॑ति गाय॒त्रेण॑ । गाय॒त्रेण॑  
 छ॒न्दसा॑ । छ॒न्दसा॑ ऽव॒बाढः॑ । अ॒व॒बाढो॑ व॒लगः॑ । अ॒व॒बाढ  
 इत्य॑व – बा॒ढः॑ । व॒लगः॑ किम् । व॒लग इति॑ व॒ल – गः॑ । कि॒मत्र॑ ।  
 अ॒त्र भ॒द्रम् । भ॒द्रम् तत् । तन्नै॑ । नौ स॒ह । स॒ह वि॒राट् । वि॒राड॑सि ।  
 वि॒राडि॑ति वि – राट् । अ॒सि स॒प॒त्न॒हा । स॒प॒त्न॒हा स॒म्राट् । स॒प॒त्न॒हेति॑  
 स॒प॒त्न – हा । स॒म्राड॑सि । स॒म्राडि॑ति स॒म्-राट् । अ॒सि भ्रा॒तृव्य॑हा ।  
 भ्रा॒तृव्य॑हा स्व॒राट् । भ्रा॒तृव्य॑हेति॒ भ्रा॒तृव्य – हा ।  
 स्व॒राड॑सि । स्व॒राडि॑ति स्व – राट् । अ॒स्य॒भिमा॑तिहा ।

अभि॒माति॑हा विश्वा॒राट् । अभि॒माति॑ हे॒त्यभि॒माति॑ – हा ।  
विश्वा॒राड॑सि । विश्वा॒राडि॑ति विश्व – राट् । अ॒सि विश्वा॑साम् ।  
विश्वा॒साम् ना॒ष्ट्राणा॑म् । ना॒ष्ट्राणा॑ ह॒न्ता । ह॒न्ता रक्षो॑हणः । 3 (50/63)

**T.S.1.3.2.2 - Kramam**

रक्षो॑हणो॒ वल॑गहनः । रक्षो॑हण इति रक्षः – हनः । वल॑गहनः प्र ।  
वल॑गहन इति वल॑ग – हनः । प्रो॒क्षामि॑ । उ॒क्षामि॑ वैष्ण॒वान् ।  
वैष्ण॒वान् रक्षो॑हणः । रक्षो॑हणो॒ वल॑गहनः । रक्षो॑हण इति  
रक्षः – हनः । वल॑गहनो॒ऽव । वल॑गहन इति वल॑ग – हनः ।  
अ॒व न॑यामि । न॒यामि॑ वैष्ण॒वान् । वैष्ण॒वान् य॒वः । य॒वोऽसि॑ ।  
अ॒सि य॒वय॑ । य॒वया॑स्मत् । अ॒स्मद् द्वे॑षः । द्वे॑षो य॒वय॑ । य॒वया॑रा॒तीः ।  
अ॒रा॒ती रक्षो॑हणः । रक्षो॑हणो॒ वल॑गहनः । रक्षो॑हण इति रक्षः – हनः ।  
वल॑गहनो॒ऽव । वल॑गहन इति वल॑ग – हनः । अ॒व स्तृ॑णामि ।  
स्तृ॑णामि वैष्ण॒वान् । वैष्ण॒वान् रक्षो॑हणः । रक्षो॑हणो॒ वल॑गहनः ।  
रक्षो॑हण इति रक्षः – हनः । वल॑गहनो॒ऽभि । वल॑गहन इति  
वल॑ग – हनः । अ॒भि जु॑होमि । जु॑होमि वैष्ण॒वान् ।

वै॒ष्ण॒वान् र॒क्षो॒ह॒णौ॑ । र॒क्षो॒ह॒णौ॑ व॒लग॒ह॒नौ॑ । र॒क्षो॒ह॒णा॒वि॒ति॑  
 र॒क्षः - ह॒नौ॑ । व॒लग॒ह॒नावु॒प । व॒लग॒ह॒णा॒वि॒ति॑ व॒लग - ह॒नौ॑ ।  
 उ॒प द॒धामि॑ । द॒धामि॑ वै॒ष्ण॒वी । वै॒ष्ण॒वी र॒क्षो॒ह॒णौ॑ । वै॒ष्ण॒वी इति॑  
 वै॒ष्ण॒वी । र॒क्षो॒ह॒णौ॑ व॒लग॒ह॒नौ॑ । र॒क्षो॒ह॒णा॒वि॒ति॑ र॒क्षः - ह॒नौ॑ ।  
 व॒लग॒ह॒नौ॑ परि॑ । व॒लग॒ह॒णा॒वि॒ति॑ व॒लग - ह॒नौ॑ । पर्यू॒हामि॑ । ऊ॒हामि॑  
 वै॒ष्ण॒वी । वै॒ष्ण॒वी र॒क्षो॒ह॒णौ॑ । वै॒ष्ण॒वी इति॑ वै॒ष्ण॒वी । र॒क्षो॒ह॒णौ॑  
 व॒लग॒ह॒नौ॑ । र॒क्षो॒ह॒णा॒वि॒ति॑ र॒क्षः - ह॒नौ॑ । व॒लग॒ह॒नौ॑ परि॑ ।  
 व॒लग॒ह॒णा॒वि॒ति॑ व॒लग - ह॒नौ॑ । परि॒स्तृ॒णामि॑ । स्तृ॒णामि॑ वै॒ष्ण॒वी ।  
 वै॒ष्ण॒वी र॒क्षो॒ह॒णौ॑ । वै॒ष्ण॒वी इति॑ वै॒ष्ण॒वी । र॒क्षो॒ह॒णौ॑ व॒लग॒ह॒नौ॑ ।  
 र॒क्षो॒ह॒णा॒वि॒ति॑ र॒क्षः - ह॒नौ॑ । व॒लग॒ह॒नौ॑ वै॒ष्ण॒वी । व॒लग॒ह॒णा॒वि॒ति॑  
 व॒लग - ह॒नौ॑ । वै॒ष्ण॒वी बृ॒ह॒न् । वै॒ष्ण॒वी इति॑ वै॒ष्ण॒वी । बृ॒ह॒न्न॒सि॑ ।  
 अ॒सि बृ॒ह॒द्ग्रा॒वा । बृ॒ह॒द्ग्रा॒वा बृ॒ह॒ती॒म् । बृ॒ह॒द्ग्रा॒वेति॑  
 बृ॒ह॒त् - ग्रा॒वा । बृ॒ह॒ती॒मिन्द्रा॒य ( ) । इन्द्रा॒य वा॒च॒म् । वा॒चं व॑द ।  
 वदे॒ति व॑द ॥ 4 (52/73) (ह॒न्ते-न्द्रा॒य द्वे च॑) (A2)



प्रथम काण्डे – तृतीयः प्रश्नः – (TS 1.3)

**T.S.1.3.3.1 - Kramam**

वि॒भूर॑सि । वि॒भूरि॑ति वि – भूः । अ॒सि प्र॒वाह॑नः । प्र॒वाह॑णो व॒ह्निः ।  
प्र॒वाह॑ण इति प्र – वा॒हनः । व॒ह्नि॑रसि । अ॒सि ह॒व्यवा॑हनः ।  
ह॒व्यवा॑हनः श्वा॒त्रः । ह॒व्यवा॑हन इति ह॒व्य – वा॒हनः । श्वा॒त्रो॑ऽसि ।  
अ॒सि प्र॒चे॒ताः । प्र॒चे॒तास्तु॑थः । प्र॒चे॒ता इति प्र – चे॒ताः ।  
तु॒थो॑ऽसि । अ॒सि वि॒श्ववे॑दाः । वि॒श्ववे॑दा उ॒शिक् । वि॒श्ववे॑दा  
इति वि॒श्व – वे॒दाः । उ॒शि॑गसि । अ॒सि क॒विः । क॒वि॒रङ्घा॑रिः ।  
अ॒ङ्घा॑रि॒रसि॑ । अ॒सि ब॒म्भारि॑ः । ब॒म्भारि॑रव॒स्युः । अ॒व॒स्यु॑रसि ।  
अ॒सि दु॒व॒स्वान् । दु॒व॒स्वाञ्छु॑न्ध्यूः । शु॒न्ध्यू॑रसि । अ॒सि मा॒र्जा॒लीयः॑ ।  
मा॒र्जा॒लीयः॑ स॒म्राट् । स॒म्रा॒डसि॑ । स॒म्रा॒डिति॑ सं – राट् ।  
अ॒सि कृ॒शानुः॑ । कृ॒शानुः॑ परि॒षद्यः॑ । कृ॒शानु॑रिति कृ॒श – अनुः॑ ।  
परि॒षद्यो॑ऽसि । परि॒षद्य इति॑ परि – सद्यः॑ । अ॒सि प॒व॒मानः॑ । प॒व॒मानः॑  
प्र॒तक्वा॑ । प्र॒तक्वा॑ऽसि । प्र॒तक्वे॑ति प्र – तक्वा॑ । अ॒सि न॒भ॒स्वान् ।  
न॒भ॒स्वान॑स॒म्मृष्टः॑ । अ॒स॒म्मृष्टो॑ऽसि । अ॒स॒म्मृष्ट इत्य॑सम् – मृष्टः॑ ।  
अ॒सि ह॒व्यसू॑दः । ह॒व्यसू॑द ऋ॒त॒धा॒मा । ह॒व्यसू॑द इति ह॒व्य – सू॑दः ।

ऋ॒त॒धा॒मा॒ऽसि॑ । ऋ॒त॒धा॒मे॒त्यृ॒त - धा॒मा । अ॒सि॑ सु॒व॒ज्यो॒तिः॑ ।  
 सु॒व॒ज्यो॒तिर् ब्र॒ह्म॒ज्यो॒तिः॑ । सु॒व॒ज्यो॒तिरि॒ति सु॒वः - ज्यो॒तिः॑ ।  
 ब्र॒ह्म॒ज्यो॒तिर॒सि॑ । ब्र॒ह्म॒ज्यो॒तिरि॒ति ब्र॒ह्म - ज्यो॒तिः॑ । अ॒सि॑ सु॒व॒र्द्धा॒मा ।  
 सु॒व॒र्द्धा॒मा॒ऽजः॑ । सु॒व॒र्द्धा॒मे॒ति सु॒वः - धा॒मा । अ॒जो॒ऽसि॑ ।  
 अ॒स्यै॒क॒पात् । ए॒क॒पा॒द॒हिः॑ । ए॒क॒पा॒दि॒त्ये॒क - पा॒त् । अ॒हि॒र॒सि॑ ।  
 अ॒सि॑ बु॒दि॒ध्न॒यः॑ । बु॒दि॒ध्न॒यो रौ॒द्रे॒ण । रौ॒द्रे॒णानी॒केन॑ ( ) । अ॒नी॒केन॑  
 पा॒हि॑ । पा॒हि॑ मा॑ । मा॒ऽग्ने॑ । अ॒ग्ने॑ पि॒पृ॒हि॑ । पि॒पृ॒हि॑ मा॑ । मा॒ मा॑ ।  
 मा॒ मा॑ । मा॒ हि॒ऽसीः॑ । हि॒ऽसी॒रि॒ति हि॒ऽसीः॑ ॥ 5 (58/74)

(अनीकेना-ष्टौ च) (A3)

**T.S.1.3.4.1 - Kramam**

त्व॒ऽसो॒म । सो॒म त॒नू॒कृ॒द्भ्यः॑ । त॒नू॒कृ॒द्भ्यो॒ द्वेषो॑भ्यः । त॒नू॒कृ॒द्भ्य  
 इति॑ त॒नू॒कृ॒त् - भ्यः॑ । द्वेषो॑भ्यो॒ऽन्य॒कृ॒ते॒भ्यः॑ । द्वेषो॑भ्य इति॑  
 द्वेषः॑ - भ्यः॑ । अ॒न्य॒कृ॒ते॒भ्य उ॒रु । अ॒न्य॒कृ॒ते॒भ्य इत्य॒न्य - कृ॒ते॒भ्यः॑ ।  
 उ॒रु य॒न्ता॑ । य॒न्ता॒ऽसि॑ । अ॒सि॑ व॒रू॒थम् । व॒रू॒थम् स्वा॒हा॑ ।  
 स्वा॒हा जु॒षा॒णः॑ । जु॒षा॒णो अ॒प्तुः॑ । अ॒प्तु॒रा॒ज्य॒स्य॑ । आ॒ज्य॒स्य वे॒तु॑ ।  
 वे॒तु॑ स्वा॒हा॑ । स्वा॒हा॒ऽयम् । अ॒यम् नः॑ । नो॒ अ॒ग्निः॑ । अ॒ग्निर् व॒रि॒वः॑ ।

प्रथम काण्डे – तृतीयः प्रश्नः – (TS 1.3)

वरिवः॑ कृ॒णो॒तु । कृ॒णो॒त्वय॑म् । अ॒यम् मृ॒धः । मृ॒धः पु॒रः । पु॒र ए॒तु ।  
ए॒तु प्र॒भिन्द॑न् । प्र॒भिन्द॑न्निति प्र – भि॒न्दन् ॥ अ॒यञ् श॒त्रून् ।  
॥ श॒त्रून् ज॑यतु । ज॒यतु॑ ज॒र्ह॒षाणः॑ । ज॒र्ह॒षाणो॒ऽयम् । अ॒यं वा॑जम् ।  
वा॒जम् ज॑यतु । ज॒यतु॑ वा॒जसा॑तौ । वा॒जसा॑ता॒विति॑ वा॒ज – सा॑तौ ॥  
उ॒रु वि॒ष्णोः॑ । वि॒ष्णो वि॑ । वि॒ष्णो इति॑ वि॒ष्णो । वि॑ क्र॒मस्व॑ ।  
क्र॒मस्वो॒रु । उ॒रु क्ष॑याय । क्ष॑याय नः । नः कृ॒धि । कृ॒धीति॑ कृ॒धि ॥  
घृ॒तम् घृ॒तयो॑ने । घृ॒तयो॑ने पि॒ब । घृ॒तयो॑न इति॑ घृ॒त – यो॑ने ।  
पि॒ब प्र॒प्र । प्र॒प्र य॒ज्ञप॑तिम् । प्र॒प्रेति॑ प्र – प्र । य॒ज्ञप॑तिम् ति॒र ।  
य॒ज्ञप॑तिमि॒ति य॒ज्ञ – प॑तिम् । ति॒रेति॑ ति॒र ॥ सो॒मो जि॑गाति ।  
जि॒गाति॑ गा॒तुवि॑त् । गा॒तुवि॑द् दे॒वाना॑म् ।  
गा॒तुवि॑दिति गा॒तु – वि॑त् । 6 (50/58)

**T.S.1.3.4.2 - Kramam**

दे॒वाना॑मेति । ए॒ति नि॒ष्कृ॒तम् । नि॒ष्कृ॒तमृ॒तस्य॑ । नि॒ष्कृ॒तमि॒ति  
निः – कृ॒तम् । ऋ॒तस्य॑ यो॒निम् । यो॒निमा॑स॒दम् । आ॒सद॑मदि॒त्याः ।  
आ॒सद॑मि॒त्या – स॒दम् । अदि॒त्याः स॒दः । स॒दोऽसि॑ । अ॒स्यदि॒त्याः ।

### तैत्तिरीय संहिता क्रम पाठे (TS 1.3)

अ॒दि॒त्याः स॒दः । स॒द आ । आ सी॒द । सी॒दैषः । ए॒ष वः । वो॒ दे॒व ।  
दे॒व स॒वि॒तः । स॒वि॒तः सो॒मः । सो॒म॒स्तम् । त॒ र॒क्ष॒ध्वम् ।  
र॒क्ष॒ध्वम् मा । मा वः । वो॒ द॒भत् । द॒भ॒दे॒तत् । ए॒तत् त्वम् ।  
त्व॒ सो॒म । सो॒म दे॒वः । दे॒वो दे॒वान् । दे॒वानु॒प । उ॒पा॒गाः । अ॒गा  
इ॒दम् । इ॒द॒म॒हम् । अ॒हम् म॒नु॒ष्यः । म॒नु॒ष्यो म॒नु॒ष्यान् । म॒नु॒ष्यान्थ्  
स॒ह । स॒ह प्र॒जया॑ । प्र॒जया॑ स॒ह । प्र॒जये॑ति प्र – जया॑ ।  
स॒ह रा॒यः । रा॒य॒स्पो॒षेण॑ । पो॒षेण॑ न॒मः । न॒मो दे॒वेभ्यः॑ । दे॒वेभ्यः॑  
स्व॒धा । स्व॒धा पि॒तृ॒भ्यः । स्व॒धेति॑ स्व – धा । पि॒तृ॒भ्य इ॒दम् ।  
पि॒तृ॒भ्य इति॑ पि॒तृ – भ्यः । इ॒द॒म॒हम् । अ॒हम् निः । नि॒र् व॒रु॒णस्य॑ ।  
व॒रु॒णस्य॑ पा॒शात् । पा॒शा॒थ् सु॒वः । सु॒व॒र॒भि ( ) ।

अभि वि । 7 (50/55)

#### T.S.1.3.4.3 - Kramam

वि ख्ये॑षम् । ख्ये॑षं वै॒श्वान॑रम् । वै॒श्वान॑रम् ज्यो॒तिः । ज्यो॒ति॒र॒ग्ने॑ ।  
अ॒ग्ने॑ व्र॒त॒प॒ते । व्र॒त॒प॒ते त्वम् । व्र॒त॒प॒त इति॑ व्र॒त – प॒ते । त्वं  
व्र॒ता॒नाम् । व्र॒ता॒नां व्र॒त॒प॒तिः । व्र॒त॒प॒ति॒र॒सि । व्र॒त॒प॒ति॒रिति॑ व्र॒त॒प॒तिः ।  
अ॒सि॒ या । या म॒म । म॒म त॒नूः । त॒नू॒स्त्वयि॑ । त्वय्य॑भूत् । अ॒भू॒दि॒यम् ।

इ॒य॒ सा । सा म॒यि । म॒यि या । या त॒व । त॒व त॒नूः । त॒नूर् म॒यि ।  
म॒य्यभू॑त् । अ॒भू॒दे॒षा । ए॒षा सा । सा त्व॒यि । त्व॒यि यथा॒यथ॑म् ।  
यथा॒यथं॑ नौ । यथा॒यथ॑मि॒ति यथा – यथ॑म् । नौ व्र॒तप॑ते । व्र॒तप॑ते  
व्र॒तिनोः॑ । व्र॒तप॑त इति व्र॒त – प॑ते । व्र॒तिनो॑र् व्र॒तानि॑ । व्र॒तानी॑ति  
व्र॒तानि॑ । 8 (31/35) (गा॒तुवि॒द-भ्ये-क॒त्रि॒श॒च्च) (A4)

**T.S.1.3.5.1 - Kramam**

अ॒त्य॒न्यान् । अ॒न्या॒नगा॑म् । अ॒गा॒म न । ना॒न्यान् । अ॒न्या॒नुप॑ ।  
उ॒पा॒गा॒म् । अ॒गा॒म॒र्वाक् । अ॒र्वाक् त्वा॑ । त्वा॑ प॒रैः । प॒रैर॑वि॒दम् ।  
अ॒वि॒दम् प॒रः । प॒रोऽव॑रैः । अ॒व॒रैस्त॑म् । तम् त्वा॑ । त्वा॑ जु॒षे ।  
जु॒षे वै॒ष्णा॒वम् । वै॒ष्णा॒वम् दे॒वय॑ज्यायै । दे॒वय॑ज्यायै दे॒वः । दे॒वय॑ज्याया  
इति॑ दे॒व – य॑ज्यायै । दे॒वस्त्वा॑ । त्वा॑ स॒विता॑ । स॒विता॑ म॒ध्वा ।  
म॒ध्वाऽन॑क्तु । अ॒न॒क्त्वो॑ष॒धे । ओ॒ष॒धे त्रा॑यस्व । त्रा॑यस्वै॒नम् ।  
ए॒न॒ स्व॑धि॒ते । स्व॑धि॒ते मा॑ । स्व॑धि॒त इति॑ स्व – धि॒ते । मै॒नम् ।  
ए॒न॒ हि॒सीः । हि॒सीर् दि॒वम् । दि॒वम॑ग्रेण । अ॒ग्रेण॑ मा॑ ।  
मा॑ ले॒खीः । ले॒खी॒रन्त॑रि॒क्षम् । अ॒न्त॑रि॒क्षम् म॒द्ध्ये॑न । म॒द्ध्ये॑न मा॑ ।

मा हि॒सीः । हि॒सीः पृ॒थिव्या । पृ॒थिव्या सम् । सम् भव ।  
 भव वनस्पते । वनस्पते शतवल्.शः । शतवल्.शो वि । शतवल्.श  
 इति शत-वल्.शः । वि रोह । रोह सहस्रवल्.शाः । सहस्रवल्.शा  
 वि । सहस्रवल्.शा इति सहस्र - वल्.शाः । वि वयम् । वयं रुहेम ।  
 रुहेम यम् ( ) । यम् त्वा । त्वाऽयम् । अयं स्वधितिः । स्वधिति  
 स्तेतिजानः । स्वधितिरिति स्व - धितिः । तेतिजानः प्रणिनाय ।  
 प्रणिनाय महते । प्रणिनायेति प्र - निनाय । महते सौभगाय ।  
 सौभगायाच्छिन्नः । अच्छिन्नो रायः । रायः सुवीरः ।  
 सुवीर इति सु - वीरः ॥ 9 (60/66) (यं-दश च) (A5)

**T.S.1.3.6.1 - Kramam**

पृथिव्यै त्वा । त्वाऽन्तरिक्षाय । अन्तरिक्षाय त्वा । त्वा दिवे ।  
 दिवे त्वा । त्वा शुन्धताम् । शुन्धतां लोकः । लोकः पितृषदनः ।  
 पितृषदनो यवः । पितृषदन इति पितृ - सदनः । यवोऽसि ।  
 असि यवय । यवयास्मत् । अस्मद् द्वेषः । द्वेषो यवय । यवयारातीः ।  
 अरातीः पितृणाम् । पितृणां सदनम् । सदनमसि । असि स्वावेशः ।  
 स्वावेशोऽसि । स्वावेश इति सु - आवेशः । अस्यग्रेगाः ।

प्रथम काण्डे – तृतीयः प्रश्नः – (TS 1.3)

अ॒ग्रे॒गा नै॒तृ॒णाम् । अ॒ग्रे॒गा इ॒त्यग्रे॑ – गाः । नै॒तृ॒णां व॑न॒स्पतिः॑ ।  
व॒न॒स्पति॑रधि । अधि॑ त्वा । त्वा स्था॒स्यति॑ । स्था॒स्यति॑ तस्य॑ । तस्य॑  
वि॒त्तात् । वि॒त्ताद् दे॒वः । दे॒वस्त्वा॑ । त्वा स॒विता॑ । स॒विता म॑द्ध्वा॑ ।  
म॑द्ध्वाऽन॒क्तु । अ॒नक्तु॑ सु॒पि॒प्पला॑भ्यः । सु॒पि॒प्पला॑भ्यस्त्वा ।  
सु॒पि॒प्पला॑भ्य इति॑ सु॒पि॒प्पला॑भ्यः । त्वौष॑धीभ्यः । ओष॑धीभ्य उ॒त् ।  
ओष॑धीभ्य इ॒त्योष॑धि॒भ्यः । उ॒द् दि॒वम् । दि॒वः स्त॑भान । स्त॑भाना ।  
आऽन्त॑रि॒क्षम् । अ॒न्त॑रि॒क्षम् पृ॒ण । पृ॒ण पृ॒थि॒वीम् । पृ॒थि॒वीमु॑परेण ।  
उ॒परे॑ण दृ॒ह । दृ॒ह ते॑ । ते॑ ते॑ । ते॑ धा॒मानि॑ । धा॒मान्यु॑श्मसि ।  
उ॒श्मसी॑ ग॒म॒द्ध्ये॑ । 10 (50/55)

**T.S.1.3.6.2 - Kramam**

ग॒म॒द्ध्ये॑ गा॒वः । गा॒वो य॑त्र । य॒त्र भू॑रि॒शृङ्गाः॑ । भू॑रि॒शृङ्गा॑ अ॒यासः॑ ।  
भू॑रि॒शृङ्गा॑ इति॑ भू॒रि – शृ॒ङ्गाः॑ । अ॒यास॑ इ॒त्यया॑सः ॥  
अ॒त्राह॑ । अ॒ह त॑त् । तदु॒रुगा॑यस्य । उ॒रुगा॑यस्य वि॒ष्णोः॑ ।  
उ॒रुगा॑यस्येत्यु॒रुगा॑यस्य । वि॒ष्णोः॑ प॒र॒मम् । प॒र॒मम् प॒दम् । प॒द॒मव॑ ।

### तैत्तिरीय संहिता क्रम पाठे (TS 1.3)

अ॒व॒ भा॒ति । भा॒ति भू॒रेः । भू॒रेरि॒ति भू॒रेः ॥ वि॒ष्णोः॑ क॒र्माणि॑ । क॒र्माणि॑  
प॒श्य॒त । प॒श्य॒त य॒तः । य॒तो व्र॒तानि॑ । व्र॒तानि॑ प॒स्पशे॑ । प॒स्पश॑ इति॑  
प॒स्पशे॑ ॥ इन्द्र॑स्य यु॒ज्यः । यु॒ज्यः स॒खा । स॒खेति॑ स॒खा ॥  
तद् वि॒ष्णोः॑ । वि॒ष्णोः॑ प॒रम॑म् । प॒रम॑म् प॒दम् । प॒दं सदा॑ । सदा॑  
प॒श्य॒न्ति । प॒श्य॒न्ति सू॒रयः॑ । सू॒रय॑ इति॑ सू॒रयः॑ ॥ दि॒वीव॑ । इ॒व चक्षुः॑ ।  
चक्षु॑रा॒त॒तम् । आ॒त॒त॒मि॒त्या – त॒तम् ॥ ब्र॒ह्म॒व॒नि॒म् त्वा । ब्र॒ह्म॒व॒नि॒मि॒ति  
ब्र॒ह्म – व॒नि॒म् । त्वा क्ष॒त्र॒व॒नि॒म् । क्ष॒त्र॒व॒नि॒ सु॒प्र॒जा॒व॒नि॒म् ।  
क्ष॒त्र॒व॒नि॒मि॒ति क्ष॒त्र – व॒नि॒म् । सु॒प्र॒जा॒व॒नि॒ सु॒प्र॒जा॒व॒नि॒म् ।  
सु॒प्र॒जा॒व॒नि॒मि॒ति सु॒प्र॒जा – व॒नि॒म् । रा॒य॒स्पो॒ष॒व॒नि॒म् परि॑ ।  
रा॒य॒स्पो॒ष॒व॒नि॒मि॒ति रा॒य॒स्पो॒ष – व॒नि॒म् । पर्यू॑हामि । ऊ॒हामि॑ ब्र॒ह्म ।  
ब्र॒ह्म दृ॒ह । दृ॒ह क्ष॒त्रम् । क्ष॒त्रम् दृ॒ह । दृ॒ह प्र॒जाम् ।  
प्र॒जाम् दृ॒ह । प्र॒जा॒मि॒ति प्र – जा॑म् । दृ॒ह रा॒यः । रा॒य॒स्पो॒ष॒म् ( ) ।  
पो॒ष॒म् दृ॒ह । दृ॒ह परि॑वीः । परि॑वीर॒सि । परि॑वीरि॒ति परि॑ – वीः ।  
अ॒सि परि॑ । परि॑ त्वा । त्वा दै॒वीः । दै॒वीर् वि॒शः । वि॒शो व्य॑यन्ता॒म् ।  
व्य॑यन्ता॒म् परि॑ । परि॑म॒म् । इ॒मं रा॒यः । रा॒य॒स्पो॒षः । पो॒षो य॑ज॒मान॑म् ।



प्रथम काण्डे – तृतीयः प्रश्नः – (TS 1.3)

यज॑मानम् मनु॒ष्याः॑ । मनु॒ष्या अ॒न्तरि॑क्षस्य । अ॒न्तरि॑क्षस्य त्वा । त्वा  
सानौ॑ । साना॒वव॑ । अव॑ गूहामि । गू॒हामी॑ति गूहामि ॥ 11 (69/77)

(उ॒मसी॑-पोष॒मै-का॒न्न वि॒शति॑श्च) (A6)

**T.S.1.3.7.1 - Kramam**

इ॒षे त्वा॑ । त्वो॒पवीः॑ । उप॒वीर॑सि । उप॒वीरि॑त्युप – वीः । अ॒स्युपो॑ ।  
उपो॑ दे॒वान् । उपो॑ इत्युपो॑ । दे॒वान् दै॒वीः । दै॒वीर् वि॒शः । वि॒शः प्र ।  
प्रा॒गुः । अ॒गुर् व॒ह्नीः॑ । व॒ह्नीरु॑शिजः । उ॒शिजो॑ बृ॒हस्प॑ते । बृ॒हस्प॑ते  
धा॒रय॑ । धा॒रया॑ वसू॒नि । वसू॒नि ह॒व्या । ह॒व्या ते॑ । ते स्व॒दन्ता॑म् ।  
स्व॒दन्ता॑म् दे॒व । दे॒व त्व॑ष्टः । त्व॑ष्टर् वसु॑ । वसु॑र॒ण्व । र॒ण्व रे॒वतीः॑ ।  
रे॒वती॑ रम॒द्ध्वम् । रम॒द्ध्वम॒ग्नेः । अ॒ग्नेर् ज॒नित्र॑म् । ज॒नित्र॑मसि ।  
अ॒सि वृ॑षणौ । वृ॑षणौ स्थः । स्थ॑ उ॒र्वशी॑ । उ॒र्वश्य॑सि । अ॒स्यायुः॑ ।  
आ॒युर॑सि । अ॒सि पु॒रुर॑वाः । पु॒रुर॑वा घृ॒तेन॑ । घृ॒तेना॑क्ते । अ॒क्ते  
वृ॑षणम् । अ॒क्ते इत्य॑क्ते । वृ॑षणम् द॒धाथा॑म् । द॒धाथा॑म् गा॒यत्र॑म् ।  
गा॒यत्र॑म् छ॒न्दः । छ॒न्दोऽनु॑ । अ॒नु प्र॑ । प्र जा॒यस्व॑ । जा॒यस्व॑ त्रैष्टु॒भम् ।

त्रैष्टु॑भम् जा॒गतम् । जा॒गतम् छन्दः॑ । छन्दो॑ऽनु । अनु॑ प्र ।  
प्र जा॒यस्व । जा॒यस्व भव॑तम् ( ) । भव॑तम् नः । 12 (50/53)

**T.S.1.3.7.2 - Kramam**

नः॑ सम॒नसौ॑ । सम॒नसौ॑ समो॒कसौ॑ । सम॒नसा॒विति॑ स – मन॒सौ ।  
समो॒कसा॒वरेप॑सौ । समो॒कसा॒विति॑ सं – ओ॒कसौ ।  
अ॒रेप॑सा॒वित्य॒रेप॑सौ ॥ मा य॒ज्ञम् । य॒ज्ञं हि॑ सिष्टम् । हि॑ सिष्टम्  
मा । मा य॒ज्ञप॑तिम् । य॒ज्ञप॑तिम् जा॒तवे॑दसौ । य॒ज्ञप॑तिमि॒ति  
य॒ज्ञ – प॑तिम् । जा॒तवे॑दसौ शि॒वौ । जा॒तवे॑दसा॒विति॑ जा॒त-वे॑दसौ ।  
शि॒वौ भव॑तम् । भव॑तम॒द्य । अ॒द्य नः॑ । न इति॑ नः ॥ अ॒ग्नाव॑ग्निः ।  
अ॒ग्निश्च॑रति । च॒रति॑ प्र॒विष्टः॑ । प्र॒विष्ट ऋ॑षी॒णाम् । प्र॒विष्ट इति॑  
प्र – वि॒ष्टः । ऋ॑षी॒णाम् पु॒त्रः । पु॒त्रो अ॑धि॒राजः॑ । अ॒धि॒राज ए॑षः ।  
अ॒धि॒राज इत्य॑धि – रा॒जः । ए॑ष इत्ये॒षः ॥ स्वा॒हाकृ॑त्य ब्र॒ह्मणा॑ ।  
स्वा॒हाकृ॑त्येति॑ स्वा॒हा – कृ॑त्य । ब्र॒ह्मणा॑ ते । ते जु॒होमि॑ ।  
जु॒होमि॑ मा । मा दे॒वाना॑म् । दे॒वाना॑म् मिथु॒या । मिथु॒या कः॑ ।  
क॒र्भाग॑धेयम् । भा॒गधे॑यमि॒ति भा॒ग – धे॑यम् ॥ 13 (31/38)

(भव॑त-मै॒कत्रिं॑शच्च) (A7)

प्रथम काण्डे – तृतीयः प्रश्नः – (TS 1.3)

**T.S.1.3.8.1 - Kramam**

आ ददे । दद ऋतस्य । ऋतस्य त्वा । त्वा देवहविः । देवहविः  
पाशेन । देवहविरिति देव – हविः । पाशेना । आ रभे । रभे धर्ष ।  
धर्षा मानुषान् । मानुषानद्भ्यः । अद्भ्यस्त्वा । अद्भ्य  
इत्यत् – भ्यः । त्वौषधीभ्यः । ओषधीभ्यः प्र । ओषधीभ्य  
इत्यौषधि-भ्यः । प्रोक्षामि । उक्षाम्यपाम् । अपाम् पेरुः । पेरुरसि ।  
असि स्वात्तम् । स्वात्तम् चित् । चित् सदेवम् । सदेव हव्यम् ।  
सदेवमिति स – देवम् । हव्यमापः । आपो देवीः । देवीः स्वदत ।  
स्वदतैनम् । एन ह्यु सम् । सन्ते । ते प्राणः । प्राणो वायुना । प्राण  
इति प्र – अनः । वायुना गच्छताम् । गच्छता ह्यु सम् । सं यज्ञत्रैः ।  
यज्ञत्रैरङ्गानि । अङ्गानि सम् । सं यज्ञपतिः । यज्ञपतिराशिषा ।  
यज्ञपतिरिति यज्ञ – पतिः । आशिषा घृतेन । आशिषेत्या – शिषा ।  
घृतेनाक्तौ । अक्तौ पशुम् । पशुम् त्रायेथाम् । त्रायेथा ह्यु रेवतीः ।  
रेवतीर् यज्ञपतिम् । यज्ञपतिम् प्रियधा । यज्ञपतिमिति यज्ञ – पतिम् ।  
प्रियधाविशत । प्रियधेति प्रिय – धा । आ विशत । विशतोरो ।

उ॒रो अ॒न्तरि॒क्ष । उ॒रो इ॒त्यु॒रो ॥ अ॒न्तरि॒क्ष स॒जूः । स॒जूर् दे॒वेन॑ ( ) ।  
स॒जूरि॒ति स – जूः॑ । दे॒वेन॑ वा॒तेन॑ । 14 (50/61)

**T.S.1.3.8.2 - Kramam**

वा॒तेना॑स्य । अ॒स्य ह॒विषः॑ । ह॒विष॑स्त्मना॑ ॥ त्मना॑ यज । यज॑ सम् ।  
सम॑स्य । अ॒स्य त॒नुवा॑ ॥ त॒नुवा॑ भव । भव॑ वर्॒षीयः॑ । वर्॒षीयो॑  
वर्॒षीय॑सि । वर्॒षीय॑सि य॒ज्ञे । य॒ज्ञे य॒ज्ञप॑तिम् । य॒ज्ञप॑तिम् धाः ।  
य॒ज्ञप॑तिमि॒ति य॒ज्ञ – प॑तिम् । धाः पृ॒थिव्याः॑ । पृ॒थिव्याः॑ संपृ॒चः ।  
संपृ॒चः पा॒हि । संपृ॒च इति॑ सं – पृ॒चः । पा॒हि नमः॑ । नम॑स्ते ।  
त आ॒तान॑ । आ॒ताना॑नर्वा । आ॒ताने॑त्या – तान॑ । अ॒नर्वा प्र । प्रे॒हि ।  
इ॒हि घृ॒तस्य॑ । घृ॒तस्य॑ कु॒ल्याम् । कु॒ल्याम॑नु । अ॒नु सह॑ ।  
सह॑ प्र॒जया॑ ॥ प्र॒जया॑ सह॑ । प्र॒जये॑ति प्र – जया॑ । सह॑ रा॒यः ।  
रा॒यस्पो॑षेण । पो॒षेणा॑पः । आ॒पो दे॒वीः । दे॒वीः शु॒द्धा॒युवः॑ ।  
शु॒द्धा॒युवः॑ शु॒द्धाः॑ । शु॒द्धा॒युव॑ इति॑ शु॒द्ध – यु॒वः । शु॒द्धा यू॒यम् ।  
यू॒यम् दे॒वान् । दे॒वाँ ऊ॒द्वम् । ऊ॒द्वँ शु॒द्धाः॑ । शु॒द्धा व॒यम् ।  
व॒यम् परि॑विष्टाः । परि॑विष्टाः परि॑वेष्टारः । परि॑विष्टा इति॑ परि॑-विष्टाः ।

परिवेष्टारो॑ वः । परिवेष्टार॑ इति परि – वेष्टारः॑ । वो॒ भूया॒स्म ।

भूया॒स्मेति॑ भूया॒स्म ॥ 15 (44/51)

(दे॒व॒न-च॒तु॒श्च॒त्वारि॒ंश॒च्च) (A8)

**T.S.1.3.9.1 - Kramam**

वाक्ते॑ । त आ । आ प्यायताम् । प्यायताम् प्राणः॑ । प्राणस्ते॑ ।  
प्राण॑ इति प्र – अनः॑ । त आ । आ प्यायताम् । प्यायताम् चक्षुः॑ ।  
चक्षुस्ते॑ । त आ । आ प्यायताम् । प्यायतां॑ श्रोत्रम् । श्रोत्रम् ते॑ ।  
त आ । आ प्यायताम् । प्यायतां॑ या । या ते॑ । ते प्राणान् ।  
प्राणाञ्छुक् । प्राणानिति॑ प्र – अनान् । शुग् जगाम॑ । जगाम या ।  
या चक्षुः॑ । चक्षुर् या । या श्रोत्रम् । श्रोत्रं॑ यत् । यत्ते॑ । ते क्रूरम् ।  
क्रूरं॑ यत् । यदास्थितम् । आस्थितम् तत् ।  
आस्थितमित्या – स्थितम् । तत्ते॑ । त आ । आ प्यायताम् ।  
प्यायताम् तत् । तत्ते॑ । त एतेन॑ । एतेन॑ शुन्धताम् ।  
शुन्धताम् नाभिः॑ । नाभिस्ते॑ । त आ । आ प्यायताम् । प्यायताम्  
पायुः॑ । पायुस्ते॑ । त आ । आ प्यायताम् । प्यायतां॑ शुद्धाः ।

शुद्धाश्चरित्राः । चरित्राः शम् । शमद्भ्यः । अद्भ्यः शम् ।

अद्भ्य इत्यत् - भ्यः । 16 (50/54)

### T.S.1.3.9.2 - Kramam

शमोषधीभ्यः । ओषधीभ्यः शम् । ओषधीभ्य इत्योषधि - भ्यः ।

शम् पृथिव्यै । पृथिव्यै शम् । शमहोभ्याम् । अहोभ्यामोषधे ।

अहो॑भ्यामि॒त्यहः॑ - भ्याम् । ओष॑धे त्राय॑स्व । त्राय॑स्वैनम् । एन॑ ७

स्व॑धि॒ते । स्व॑धि॒ते मा । स्व॑धि॒त इति स्व - धि॒ते । मै॒नम् । ए॒नम् ।

हि॒ंसीः । हि॒ंसी र॒क्ष॑साम् । र॒क्ष॑साम् भा॒गः । भा॒गो॑ऽसि ।

असीदम् । इदमहम् । अहं रक्षः । रक्षोऽधमम् । अधमम् तमः ।

तमो॑ नया॒मि । नया॒मि यः । यो॑ऽस्मा॒न् । अस्मा॒न् द्वेष्टि॑ । द्वेष्टि॑ यम् ।

यम् च । च वयम् । वयम् द्विष्मः । द्विष्म इदम् । इदमे॑नम् ।

ए॒न॒म॒ध॒मम् । अ॒ध॒मम् त॒मः । त॒मो॑ न॒यामि॑ । न॒यामी॑षे । इ॒षे त्वा॑ ॥

त्वा घृतेन । घृतेन द्यावापृथिवी । द्यावापृथिवी प्र । द्यावापृथिवी

इति द्यावा - पृथिवी । प्रोर्ण्वाथाम् । ऊर्ण्वाथामच्छिन्नः ।

अच्छिन्नो रायः । रायः सुवीरः । सुवीर उरु । सुवीर इति ।

सु - वीरः । उर्वन्तरिक्षम् । अन्तरिक्षमनु । अन्विहि । इहि वायौ ।

वा॒यो वि । वा॒यो इति॑ वा॒यो । वी॒हि ( ) । इ॒हि स्तो॒काना॑म् ।  
 स्तो॒काना॑ स्वा॒हा । स्वा॒होर्ध्व॑नभसम् । ऊ॒र्ध्व॑नभसम् मारु॒तम् ।  
 ऊ॒र्ध्व॑नभसमित्यू॒र्ध्व – नभ॑सम् । मारु॒तम् गच्छ॑तम् ।  
 गच्छ॑तमिति॑ गच्छ॑तम् ॥ 17 (55/62)

(अ॒द्भ्यो-वी॒हि-पञ्च॑ च) (A9)

**T.S.1.3.10.1 - Kramam**

सन्ते॑ । ते॒ मन॑सा । मन॑सा मनः॑ । मनः॑ सम् । सं प्रा॒णेन॑ । प्रा॒णेन॑  
 प्रा॒णः । प्रा॒णेनेति॑ प्र – अ॒नेन॑ । प्रा॒णो जुष्ट॑म् । प्रा॒ण इति॑ प्र-अ॒नः ।  
 जुष्टं॑ दे॒वैभ्यः॑ । दे॒वैभ्यो॑ ह॒व्यम् । ह॒व्यम् घृ॒तवत् । घृ॒तव॑त् स्वा॒हा ।  
 घृ॒तव॑दिति॑ घृ॒त – व॒त् । स्वा॒हैन्द्रः॑ । ऐन्द्रः॑ प्रा॒णः । प्रा॒णो  
 अ॒ङ्गेअ॒ङ्गे । प्रा॒ण इति॑ प्र – अ॒नः । अ॒ङ्गेअ॒ङ्गे नि । अ॒ङ्गेअ॒ङ्ग  
 इत्य॒ङ्गे – अ॒ङ्गे । नि दे॒द्ध्यत् । दे॒द्ध्यदैन्द्रः॑ । ऐन्द्रो॑ऽपानः॑ ।  
 अ॒पानो॑ अ॒ङ्गेअ॒ङ्गे । अ॒पान॑ इत्य॒प – अ॒नः । अ॒ङ्गेअ॒ङ्गे वि ।  
 अ॒ङ्गेअ॒ङ्ग इत्य॒ङ्गे – अ॒ङ्गे । वि बो॑भुवत् । बो॑भुवद् दे॒व ।  
 दे॒व त्वष्टः॑ । त्वष्ट॑र् भूरि॑ । भूरि॑ ते । ते स॒स्सम् । स॒स्समे॑तु ।

स॒स॒मि॒ति॒ सं - स॒म् । ए॒तु॒ वि॒षु॒रू॒पाः । वि॒षु॒रू॒पा॒ यत् । वि॒षु॒रू॒पा॒  
इति॑ वि॒षु - रू॒पाः । य॒थ् स॒लक्ष्मा॑णः । स॒लक्ष्मा॑णो भव॒थ ।  
स॒लक्ष्मा॑ण इति॑ स - लक्ष्मा॑णः । भव॒थ दे॒व॒त्रा । दे॒व॒त्रा॒ यन्त॑म् ।  
दे॒व॒त्रेति॑ दे॒व - त्रा । यन्त॑मव॒से । अव॑से स॒खायः॑ । स॒खायोऽनु॑ ।  
अनु॑ त्वा । त्वा मा॒ता । मा॒ता पि॒तरः॑ । पि॒तरो॑ म॒दन्तु॑ । म॒दन्तु॑ श्रीः ।  
श्री॑र॒सि । अ॒स्य॒ग्निः । अ॒ग्नि॒स्त्वा । त्वा श्री॑णा॒तु । श्री॑णा॒त्वापः॑ ।  
आपः॑ स॒म् । स॒म॒रि॒णन् । अ॒रि॒णन् वा॒तस्य॑ ( ) ।

वा॒तस्य॑ त्वा । 18 (50/61)

**T.S.1.3.10.2 - Kramam**

त्वा ध्र॒ज्यै॑ । ध्र॒ज्यै॑ पू॒ष्णः॑ । पू॒ष्णो र॒ह्यै॑ । र॒ह्या॑ अ॒पाम् ।  
अ॒पामो॑ष॒धीना॑म् । ओ॒ष॒धीना॑ र॒हिष्यै॑ । र॒हिष्यै॑ घृ॒तम् । घृ॒तम्  
घृ॒तपा॑वानः । घृ॒तपा॑वानः पि॒बत॑ । घृ॒तपा॑वान इति॑ घृ॒त - पा॑वानः ।  
पि॒बत॑ व॒साम्॑ । व॒सां व॑सापा॒वानः॑ । व॒सापा॑वानः पि॒बत॑ । व॒सापा॑वान  
इति॑ व॒सा - पा॑वानः । पि॒बता॑न्त॒रि॒क्षस्य॑ । अ॒न्त॒रि॒क्षस्य॑ ह॒विः ।  
ह॒वि॒र॒सि । अ॒सि॒ स्वा॒हा॑ । स्वा॒हा॑ त्वा । त्वाऽन्त॑रि॒क्षाय॑ ।



प्रथम काण्डे – तृतीयः प्रश्नः – (TS 1.3)

अ॒न्तरि॑क्षाय॒ दि॒शः । दि॒शः प्र॑दि॒शः । प्र॑दि॒श आ॑दि॒शः । प्र॑दि॒श इति॑  
प्र – दि॒शः । आ॑दि॒शो वि॑दि॒शः । आ॑दि॒श इत्या॑ – दि॒शः । वि॑दि॒श  
उ॒द्दि॒शः । वि॑दि॒श इति॑ वि – दि॒शः । उ॒द्दि॒शः स्वाहा॑ । उ॒द्दि॒श  
इत्यु॑त् – दि॒शः । स्वाहा॑ दि॒ग्भ्यः । दि॒ग्भ्यो नमः॑ । दि॒ग्भ्य इति॑  
दिक् – भ्यः । नमो॑ दि॒ग्भ्यः । दि॒ग्भ्य इति॑ दिक् – भ्यः ॥ 19

(28/35) (वा॒तस्या॑-॒ष्टावि॑ंशतिश्च) (A10)

**T.S.1.3.11.1 - Kramam**

समु॒द्रम् ग॑च्छ । ग॒च्छ स्वाहा॑ । स्वाहा॑ऽन्तरि॑क्षम् । अ॒न्तरि॑क्षम् ग॑च्छ ।  
ग॒च्छ स्वाहा॑ । स्वाहा॑ दे॒वम् । दे॒वः स॑वि॒तारम् । स॑वि॒तारं ग॑च्छ ।  
ग॒च्छ स्वाहा॑ । स्वाहा॑ऽहो॒रात्रे । अ॒हो॒रात्रे ग॑च्छ । अ॒हो॒रात्रे  
इत्य॑हः – रा॒त्रे । ग॒च्छ स्वाहा॑ । स्वाहा॑ मि॒त्राव॑रु॒णौ । मि॒त्राव॑रु॒णौ  
ग॑च्छ । मि॒त्राव॑रु॒णावि॑ति मि॒त्रा – वरु॑णौ । ग॒च्छ स्वाहा॑ ।  
स्वाहा॑ सो॒मम् । सो॒मम् ग॑च्छ । ग॒च्छ स्वाहा॑ । स्वाहा॑ य॒ज्ञम् ।  
य॒ज्ञम् ग॑च्छ । ग॒च्छ स्वाहा॑ । स्वाहा॑ छन्दा॑ऽसि । छन्दा॑ऽसि ग॑च्छ ।  
ग॒च्छ स्वाहा॑ । स्वाहा॑ द्यावा॑पृथि॒वी । द्यावा॑पृथि॒वी ग॑च्छ ।

द्या॒वापृ॒थि॒वी इति॑ द्या॒वा – पृ॒थि॒वी । गच्छ॑ स्वाहा॑ । स्वाहा॑ नभः॑ ।  
 नभो॑ दि॒व्यम् । दि॒व्यम् गच्छ॑ । गच्छ॑ स्वाहा॑ । स्वाहा॑ऽग्निम् ।  
 अग्निं॑ वै॒श्वान॑रम् । वै॒श्वान॑रम् गच्छ॑ । गच्छ॑ स्वाहा॑ । स्वाहा॑ऽद्भ्यः ।  
 अद्भ्य॑स्त्वा । अद्भ्य॑ इत्यत् – भ्यः । त्वौष॑धीभ्यः । ओष॑धीभ्यो  
 मनः॑ । ओष॑धीभ्य इत्योष॑धि – भ्यः । मनो॑ मे । मे॑ हार्दि॑ ।  
 हार्दि॑ यच्छ॑ । यच्छ॑ तनू॑म् । तनू॑म् त्वच॑म् । त्वच॑म् पु॒त्रम् । पु॒त्रम्  
 न॒प्तार॑म् । न॒प्तार॑मशी॒य । अ॒शी॒य शुक् । शु॒ग॒सि ( ) । अ॒सि तम् ।  
 तम॑भि । अ॒भि शो॑च । शो॑च यः । यो॑ऽस्मान् । अ॒स्मान् द्वेष्टि॑ ।  
 द्वेष्टि॑ यम् । यम् च॑ । च॑ वय॑म् । वय॑म् द्विष्मः॑ । द्विष्मो॑ धाम्नो॑धाम्नः॑ ।  
 धाम्नो॑धाम्नो॑ राजन् । धाम्नो॑धाम्न इति॑ धाम्नः॑ – धाम्नः॑ । राज॑न्नितः॑ ।  
 इतो॑ वरु॒ण । वरु॒ण नः॑ । नो॑ मुञ्च॑ । मुञ्च॑ यत् । यदा॑पः । आपो॑  
 अ॒घ्नियाः॑ । अ॒घ्निया॑ वरु॒ण । वरु॒णेति॑ । इति॑ श॒पाम॑हे । श॒पाम॑हे ततः॑ ।  
 ततो॑ वरु॒ण । वरु॒ण नः॑ । नो॑ मुञ्च॑ । मुञ्चे॑ति मुञ्च॑ ॥ 20 (76/82)

(अ॒सि-ष॒ड्व॒शति॑श्च ) (A11)

**T.S.1.3.12.1 - Kramam**

ह॒विष्म॑तीरि॒माः ( ) । इ॒मा आपः॑ । आपो॑ ह॒विष्मान् । ह॒विष्मान् दे॒वः ।  
 दे॒वो अ॒ध्वरः॑ । अ॒ध्वरो ह॒विष्मान् । ह॒विष्माँ॒ आ ।  
 आ वि॒वास॑ति । वि॒वास॑ति ह॒विष्मान् । ह॒विष्माँ॒ अस्तु॑ ।  
 अस्तु॑ सूर्यः॑ । सूर्य॑ इति सूर्यः॑ ॥ अ॒ग्नेर् वः॑ । वोऽप॑न्नगृहस्य ।  
 अप॑न्नगृहस्य सद॑सि । अप॑न्नगृहस्येत्यप॑न्न – गृह॑स्य । सद॑सि  
 सा॒दया॑मि । सा॒दया॑मि सु॒म्नाय॑ । सु॒म्नाय॑ सु॒म्निनीः॑ । सु॒म्निनीः॑  
 सु॒म्ने । सु॒म्ने मा॑ । मा॒ धत्त॑ । धत्ते॒न्द्रा॒ग्नियोः॑ । इ॒न्द्रा॒ग्नियोर्  
 भा॒गधे॑यीः॑ । इ॒न्द्रा॒ग्नियो॒रिती॒न्द्र – अ॒ग्नियोः॑ । भा॒गधे॑यीः॑ स्थ ।  
 भा॒गधे॑यीरिति॑ भा॒ग – धे॑यीः॑ । स्थ मि॒त्राव॑रुणयोः । मि॒त्राव॑रुणयोर्  
 भा॒गधे॑यीः॑ । मि॒त्राव॑रुणयो॒रिति॑ मि॒त्रा – व॑रुणयोः । भा॒गधे॑यीः॑ स्थ ।  
 भा॒गधे॑यीरिति॑ भा॒ग – धे॑यीः॑ । स्थ वि॒श्वेषा॑म् । वि॒श्वेषा॑म् दे॒वाना॑म् ।  
 दे॒वाना॑म् भा॒गधे॑यीः॑ । भा॒गधे॑यीः॑ स्थ । भा॒गधे॑यीरिति॑ भा॒ग – धे॑यीः॑ ।  
 स्थ य॒ज्ञे । य॒ज्ञे जा॑गृत । जा॒गृते॑ति जा॒गृत ॥ 21 (34/40)

(ह॒विष्म॑ती-श्चतु॑स्त्रिंशत्) (A12)

**T.S.1.3.13.1 - Kramam**

ह॒दे त्वा॑ । त्वा॑ म॒न॒सो॑ । म॒न॒सो॑ त्वा॑ । त्वा॑ दि॒वो॑ । दि॒वो॑ त्वा॑ । त्वा॑  
 सू॒र्या॑य । सू॒र्या॑य त्वा॑ । त्वो॒र्ध्व॑म् । ऊ॒र्ध्व॑मि॒मम् । इ॒म॒म॒ध्व॑रम् ।  
 अ॒ध्व॑रम् कृ॒धि । कृ॒धि दि॒वि । दि॒वि दे॒वेषु॑ । दे॒वेषु॑ हो॒त्राः॑ । हो॒त्रा  
 य॒च्छ । य॒च्छ सो॒म । सो॒म रा॒जन् । रा॒जन्ना॑ । ए॒हि । इ॒ह्य॑व । अ॒व  
 रो॒ह । रो॒ह मा॑ । मा॒ भेः॑ । भे॒र् मा॑ । मा॒ सम् । सं॒ वि॒क्थाः॑ । वि॒क्था  
 मा॑ । मा॒ त्वा॑ । त्वा॑ हि॒॒सि॒षम् । हि॒॒सि॒षम् प्र॒जाः । प्र॒जास्त्व॑म् ।  
 प्र॒जा इति॑ प्र – जाः । त्वमु॒पाव॑रो॒ह । उ॒पाव॑रो॒ह प्र॒जाः ।  
 उ॒पाव॑रो॒हेत्यु॑प – अ॒वरो॒ह । प्र॒जास्त्व॑म् । प्र॒जा इति॑ प्र – जाः । त्वा॑  
 मु॒पाव॑रो॒हन्तु॑ । उ॒पाव॑रो॒हन्तु॑ शृ॒णोतु॑ । उ॒पाव॑रो॒हन्त्वित्यु॑प – अ॒वरो॒हन्तु॑ ।  
 शृ॒णोत्व॑ग्निः । अ॒ग्निः स॒मिधा॑ । स॒मिधा॑ ह॒वम् । स॒मिधे॑ति  
 स॒म् – इ॒धा । ह॒वम् मे॑ । मे॒ शृ॒ण्वन्तु॑ । शृ॒ण्वन्त्वा॑पः ।  
 आ॒पो धि॒षणाः॑ । धि॒षणा॑श्च । च॒ दे॒वीः । दे॒वीरि॑ति दे॒वीः ॥ शृ॒णोत॑  
 ग्रा॒वाणः॑ । ग्रा॒वाणो॑ वि॒दुषः॑ । वि॒दुषो॑नु ( ) । नु॒ य॒ज्ञम् । 22 (50/55)

**T.S.1.3.13.2 - Kramam**

य॒ज्ञ॒ꣳ शृ॒णो॒तु । शृ॒णो॒तु दे॒वः । दे॒वः स॒वि॒ता । स॒वि॒ता ह॒वम् ॥  
 ह॒वम् मे॒ । म॒ इति॑ मे॒ ॥ दे॒वी॒रा॒पः । आ॒पो अ॒पाम् । अ॒पाम् न॒पात् ।  
 न॒पाद् यः । य॒ ऊ॒र्मिः । ऊ॒र्मिर् ह॒वि॒ष्यः । ह॒वि॒ष्य इ॒न्द्रि॒यावा॒न् ।  
 इ॒न्द्रि॒यावा॒न् म॒दि॒न्त॒मः । इ॒न्द्रि॒यावा॒निती॑न्द्रि॒य॒वा॒न् । म॒दि॒न्त॒म॒स्त॒म् ।  
 त॒म् दे॒वो॒भ्यः । दे॒वो॒भ्यो दे॒व॒त्रा । दे॒व॒त्रा ध॒त्त । दे॒व॒त्रेति॑ दे॒व – त्रा॒ ।  
 ध॒त्त शु॒क्रम् । शु॒क्र॒ꣳ शु॒क्र॒पे॒भ्यः । शु॒क्र॒पे॒भ्यो येषा॑म् । शु॒क्र॒पे॒भ्य  
 इति॑ शु॒क्र – पे॒भ्यः । येषा॑म् भा॒गः । भा॒गः स्थ॒ । स्थ॒ स्वा॒हा ।  
 स्वा॒हा कार्॒षिः । कार्॒षि॒रसि॑ । अ॒स्य॒प । अ॒पा॒पाम् । अ॒पाम् मृ॒द्ध॒म् ।  
 मृ॒द्ध॒ꣳ स॒मु॒द्र॒स्य॒ । स॒मु॒द्र॒स्य॒ वः । वो॒ऽक्षि॑त्यै । अ॒क्षि॑त्या॒ उत् ।  
 उ॒न्नये॑ । न॒य इति॑ न॒ये ॥ य॒म॒ग्ने । अ॒ग्ने पृ॒थ॒सु । पृ॒थ॒सु म॒र्त्य॒म् ।  
 पृ॒थि॒स्व॒ति पृ॒त् – सु॒ । म॒र्त्य॒मा॒वः । आ॒वो वा॒जे॒षु । वा॒जे॒षु य॒म् ।  
 य॒म् जु॒नाः । जु॒ना इति॑ जु॒नाः ॥ स॒ य॒न्ता॒ । य॒न्ता॒ श॒श्व॒तीः ।  
 श॒श्व॒ती॒रि॒षः । इ॒ष इ॒ती॒षः ॥ 23 (47/51)

(नु – सप्तचत्वारिंशच्च) (A13)

**T.S.1.3.14.1 - Kramam**

त्वम॑ग्ने । अ॒ग्ने रु॒द्रः । रु॒द्रो अ॒सुरः । अ॒सुरो॑ म॒हः । म॒हो दि॒वः ।  
 दि॒वस्त्व॑म् । त्व॒ञ् श॒र्द्धः । श॒र्द्धो॑ मा॒रुत॑म् । मा॒रुत॑म् पृ॒क्षः । पृ॒क्ष  
 ई॒शिषे॑ । ई॒शिष॑ इ॒तीशि॑षे ॥ त्वं वा॑तैः । वा॒तैर॑रु॒णैः । अ॒रुणै॑र् या॒सि ।  
 या॒सि श॒ङ्गयः॑ । श॒ङ्गय॑स्त्वम् । श॒ङ्गय॑ इति॑ श॒म् – ग॒यः ।  
 त्वम् पू॒षा । पू॒षा वि॒धतः॑ । वि॒धतः॑ पा॒सि । वि॒धत॑ इति॑ वि – ध॒तः ।  
 पा॒सि नु॑ । नु॑ त्मना॑ । त्मने॑ति॒ त्मना॑ ॥ आ॒ वः । वो॑ रा॒जान॑म् ।  
 रा॒जान॑म॒ध्वर॑स्य । अ॒ध्वर॑स्य रु॒द्रम् । रु॒द्रञ् हो॑तारम् । हो॒तार॑ञ्  
 स॒त्यय॑जम् । स॒त्यय॑ज॒ञ् रो॑द॒स्योः । स॒त्यय॑जमि॒ति स॒त्य – य॑जम् ।  
 रो॑द॒स्योरि॒ति रो॑द॒स्योः ॥ अ॒ग्निम् पु॒रा । पु॒रा त॑नयि॒न्नोः ।  
 त॑नयि॒न्नोर्चि॒त्तात् । अ॒चि॒त्ता॒द्धि॒रण्य॑रूपम् । हि॒रण्य॑रूपम॒वसे॑ ।  
 हि॒रण्य॑रूपमि॒ति हि॒रण्य – रू॒पम् । अ॒वसे॑ कृ॒णु॒ध्वम् ।  
 कृ॒णु॒ध्वमि॒ति कृ॒णु॒ध्वम् ॥ अ॒ग्निर् हो॑ता । हो॒ता नि॑ । नि॒षसा॑द ।  
 स॒सादा॑ य॒जीया॑न् । य॒जीया॑नुप॒स्थे । उ॒पस्थे॑ मा॒तुः ।  
 उ॒पस्थ॑ इत्यु॒प – स्थे॑ । मा॒तुः सु॒रभौ॑ । सु॒रभा॑वु । उ॒ लो॒के ।

लो॒क इति॑ लो॒के ॥ यु॒वा क॒विः । क॒विः पु॒रुनि॒ष्ठः ।

पु॒रुनि॒ष्ठ ऋ॒तावा॑ ॥ पु॒रुनि॒ष्ठ इति॑ पु॒रु – नि॒ष्ठः । 24 (50/56)

**T.S.1.3.14.2 - Kramam**

ऋ॒तावा॑ ध॒र्ता । ऋ॒तावे॒त्यृत॑ – वा । ध॒र्ता कृ॒ष्टीना॑म् । कृ॒ष्टीना॑मु॒त ।

उ॒त म॒द्ध्ये ॥ म॒द्ध्य इ॒द्धः । इ॒द्ध इ॒तीद्धः॑ ॥ सा॒द्ध्वीम॑कः । अ॒कर्

दे॒ववी॑तिम् । दे॒ववी॑ति॒न्नः । दे॒ववी॑तिमि॒ति दे॒व – वी॒तिम् । नो॒ अ॒द्य ।

अ॒द्य य॒ज्ञस्य॑ । य॒ज्ञस्य॑ जि॒ह्वा॒म् । जि॒ह्वा॒मवि॑दाम । अ॒वि॒दाम॑ गु॒ह्या॒म् ॥

गु॒ह्या॒मिति॑ गु॒ह्या॒म् ॥ स आ॒युः । आ॒यु॒रा । आ॒ऽगा॒त् । अ॒गा॒थ् सु॒रभिः॑ ।

सु॒रभि॑र् व॒सानः॑ । व॒सानो॑ भ॒द्राम् । भ॒द्राम॑कः । अ॒कर् दे॒वहू॑तिम् ।

दे॒वहू॑ति॒न्नः । दे॒वहू॑तिमि॒ति दे॒व – हू॒तिम् । नो॒ अ॒द्य । अ॒द्येत्य॑द्य ॥

अ॒क्र॒न्दद॑ग्निः । अ॒ग्निः स्त॒नय॑न् । स्त॒नय॑न्नि॒व । इ॒व द्यौः॑ ।

द्यौः क्षा॒म । क्षा॒मा रे॒रिह॑त् । रे॒रिह॑द् वी॒रुधः॑ । वी॒रुधः॑ स॒मञ्ज॑न् ।

स॒मञ्ज॑न्निति॒ सं – अ॒ञ्जन् ॥ स॒द्यो ज॑ज्ञानः । ज॒ज्ञानो॑ वि । वि हि ।

ही॒म् । ई॒मिद्धः॑ । इ॒द्धो अ॒ख्य॑त् । अ॒ख्य॑दा । आ रो॒दसी॑ ।

रो॒दसी॑ भा॒नुना॑ ॥ रो॒दसी॑ इति॒ रो॒दसी॑ । भा॒नुना॑ भा॒ति । भा॒त्यन्तः॑ ।

अ॒न्तरि॒त्यन्तः॑ ॥ त्वे॑ व॒सूनि॑ । त्वे॑ इति॒ त्वे॑ । व॒सूनि॑ पु॒र्वणी॑क ।

पु॒र्वणी॑क हो॒तः । पु॒र्वणी॑केति॒ पुरु॑ – अ॒नीक॑ । 25 (50/56)

**T.S.1.3.14.3 - Kramam**

हो॒तर् द॑ोषा । द॑ोषा व॒स्तोः॑ । व॒स्तोरा॑ । ए॒रिरे॑ । ई॒रिरे॑ य॒ज्ञिया॑सः ।

य॒ज्ञिया॑स इति॒ य॒ज्ञिया॑सः ॥ क्षा॒मेव॑ । इ॒व वि॒श्वा॑ । वि॒श्वा भु॑व॒नानि॑ ।

भु॒व॒नानि॑ यस्मिन् । यस्मिन्त् स॒म् । स॒ꣳ सौ॑भ॒गानि॑ । सौ॑भ॒गानि॑

दधि॑रे । दधि॑रे पा॒वके॑ । पा॒वक॑ इति॒ पा॒वके॑ ॥ तु॒भ्यम् ताः॑ । ता

अ॒ङ्गिर॑स्त॒म । अ॒ङ्गिर॑स्त॒म वि॒श्वाः॑ । अ॒ङ्गिर॑स्त॒मेत्य॑ङ्गिरः – त॒म ।

वि॒श्वाः सु॒क्षित॑यः । सु॒क्षित॑यः पृथक् । सु॒क्षित॑य इति॒ सु-क्षि॑तयः ।

पृथ॑गिति॒ पृथक्॑ ॥ अ॒ग्ने का॑माय । का॒माय॑ ये॒मिरे॑ । ये॒मिर॑ इति॒ ये॒मिरे॑ ॥

अ॒श्या॑म त॒म् । त॒म् का॑मम् । का॒मम॑ग्ने । अ॒ग्ने त॒व । त॒वोती॑ ।

ऊ॒त्यश्या॑म । अ॒श्या॑म र॒यिम् । र॒यिꣳ र॒यिवः॑ । र॒यिवः॑ सु॒वीर॑म् ।

र॒यिव॑ इति॒ र॒यि – वः॑ । सु॒वीर॑मिति॒ सु-वी॑रम् ॥ अ॒श्या॑म वा॒जम् ।

वा॒जम॑भि । अ॒भि वा॒जय॑न्तः । वा॒जय॑न्तोऽश्या॑म । अ॒श्या॑म द्यु॒म्नम् ।

द्यु॒म्नम॑जर । अ॒जरा॑जरम् । अ॒जर॑म् ते । त इति॒ ते ॥ श्रेष्ठं॑ य॒विष्ठ॑ ।



य॒वि॒ष्ठ॒ भा॒रत॒ । भा॒रता॒ग्ने॑ ॥ अ॒ग्ने॑ द्यु॒मन्त॑म् । द्यु॒मन्त॑मा ।  
 द्यु॒मन्त॑मि॒ति द्यु॒ – मन्त॑म् । आ॒ भर॑ । भ॒रेति॑ भर॒ ॥ 26 (50/54)

**T.S.1.3.14.4 - Kramam**

व॒सो॑ पु॒रु॒स्पृ॒हम् । व॒सो॑ इति॑ व॒सो॑ । पु॒रु॒स्पृ॒हं र॒यिम् ।  
 पु॒रु॒स्पृ॒हमि॒ति पु॒रु – स्पृ॒हम् । र॒यिमि॒ति र॒यिम् ॥ स॒ श्वि॒तानः॑ ।  
 श्वि॒तान॑स्त॒न्यतुः॑ । त॒न्यतू॑ रो॒चन॑स्थाः । रो॒चन॑स्था अ॒जरे॑भिः ।  
 रो॒चन॑स्था इति॑ रो॒चन – स्थाः॑ । अ॒जरे॑भिर् नान॑द॒द्भिः । नान॑द॒द्भिर्  
 य॒वि॒ष्ठः । नान॑द॒द्भिरि॒ति नान॑दत् – भिः । य॒वि॒ष्ठ इति॑ य॒वि॒ष्ठः ॥  
 यः पा॒वकः॑ । पा॒वकः॑ पु॒रु॒तमः॑ । पु॒रु॒तमः॑ पु॒रू॒णि । पु॒रु॒तम॑ इति॑  
 पु॒रु – तमः॑ । पु॒रू॒णि पृ॒थूनि॑ । पृ॒थू॒न्यग्निः॑ । अ॒ग्निर॑नु॒याति॑ ।  
 अ॒नु॒याति॑ भ॒र्वन् । अ॒नु॒याती॑त्यनु॒ – याति॑ । भ॒र्वन्नि॒ति भ॒र्वन् ॥  
 आ॒यु॒ष्टे । ते॒ वि॒श्वतः॑ । वि॒श्वतो॑ दधत् । दध॑दयम् । अ॒यम॑ग्निः ।  
 अ॒ग्निर् व॑रे॒ण्यः । व॑रे॒ण्य इति॑ व॑रे॒ण्यः ॥ पु॒नस्ते॑ । ते॒ प्रा॒णः । प्रा॒ण आ॑ ।  
 प्रा॒ण इति॑ प्र – अ॒नः । आ॒ऽयति॑ । अ॒यति॑ परा॑ । परा॑ यक्ष्मम् ।  
 यक्ष्मं॑ सु॒वामि॑ । सु॒वामि॑ ते । त इति॑ ते ॥ आ॒यु॒र्दा अ॒ग्ने ।

आ॒यु॒र्दा इ॒त्यायुः॑ – दाः॑ । अ॒ग्ने॒ ह॒विषः॑ । ह॒विषो॑ जु॒षाणः॑ । जु॒षाणो॑  
घृ॒तप्र॑तीकः । घृ॒तप्र॑तीको घृ॒तयो॑निः । घृ॒तप्र॑तीक इति॑ घृ॒त-प्र॑तीकः ।  
घृ॒तयो॑निरे॒धि । घृ॒तयो॑निरि॒ति घृ॒त – यो॑निः । ए॒धीत्ये॑धि ॥ घृ॒तम्  
पी॒त्वा । पी॒त्वा म॒धु । म॒धु चा॒रु । चा॒रु ग॒व्यम् । ग॒व्यम् पि॒ता ।  
पि॒तेव॑ । इ॒व पु॒त्रम् । पु॒त्रम॑भि । अ॒भि र॒क्षता॑त् । 27 (50/60)

**T.S.1.3.14.5 - Kramam**

र॒क्षता॑दिमम् । इ॒ममि॑तीमम् ॥ तस्मै॑ ते । ते॒ प्रति॑हर्यते । प्रति॑हर्यते  
जा॒तवे॑दः । प्रति॑हर्यत इति॑ प्रति – हर्य॑ते । जा॒तवे॑दो वि॒चर्ष॑णे ।  
जा॒तवे॑द इति॑ जा॒त – वे॑दः । वि॒चर्ष॑ण इति॑ वि – चर्ष॑णे ॥ अ॒ग्ने  
जना॑मि । जना॑मि सु॒ष्टुति॑म् । सु॒ष्टुति॑मिति॑ सु – स्तु॒तिम् ॥ दि॒वस्प॑रि ।  
परि॑ प्रथ॒मम् । प्रथ॒मम् ज॑ज्ञे । ज॑ज्ञे अ॒ग्निः । अ॒ग्निर॑स्मत् ।  
अ॒स्मद् द्वि॑तीयम् । द्वि॒तीयम् परि॑ । परि॑ जा॒तवे॑दाः । जा॒तवे॑दा इति॑  
जा॒त – वे॑दाः ॥ तृ॒तीय॑म॒प्सु । अ॒प्सु नृ॑मणाः । अ॒प्सिस्व॑त्यप्-सु ।  
नृ॑मणा अ॒जस्र॑म् । नृ॑मणा इति॑ नृ – म॒नाः । अ॒जस्र॑मिन्धा॒नः ।  
इ॒न्धा॒न ए॒नम् । ए॒नम् ज॑रते । ज॑रते स्वा॒धीः । स्वा॒धीरि॑ति स्व-धीः ॥  
शु॒चिः पा॒वक॑ । पा॒वक॑ व॒न्द्यः । व॒न्द्योऽग्ने॑ । अ॒ग्ने बृ॑हत् । बृ॒हद् वि॑ ।

वि रोचसे । रोचस इति रोचसे ॥ त्वम् घृतेभिः । घृतेभिराहुतः ।  
 आहुत इत्या – हुतः ॥ दृशानो रुक्मः । रुक्म उर्व्या । उर्व्या वि ।  
 व्यद्यौत् । अद्यौद् दुर्मर्षम् । दुर्मर्षमायुः । दुर्मर्षमिति  
 दुः – मर्षम् । आयुः श्रिये । श्रिये रुचानः । रुचान इति रुचानः ॥  
 अग्निर्मृतः । अमृतो अभवत् । अभवद् वयोभिः ।  
 वयोभिर् यत् । वयोभिरिति वयः – भिः । 28 (50/56)

**T.S.1.3.14.6 - Kramam**

यदेनम् । एनम् द्यौः । द्यौरजनयत् । अजनयत् सुरेताः । सुरेता इति  
 सु – रेताः ॥ आ यत् । यदिषे । इषे नृपतिम् । नृपतिम् तेजः ।  
 नृपतिमिति नृ – पतिम् । तेज आनट् । आनट्छुचिः । शुचिरेतः ।  
 रेतो निषिक्तम् । निषिक्तम् द्यौः । निषिक्तमिति नि – सिक्तम् ।  
 द्यौरभीके । अभीक इत्यभीके ॥ अग्निः शर्द्धम् । शर्द्धमनवद्यम् ।  
 अनवद्यं युवानम् । युवानञ् स्वाधियम् । स्वाधियम् जनयत् ।  
 स्वाधियमिति स्व – धियम् । जनयत् सूदयत् । सूदयच्च ।  
 चेति च ॥ स तेजीयसा । तेजीयसा मनसा । मनसा त्वोतः ।

त्वो॑त॒ उ॒त । उ॒त शि॑क्ष । शि॑क्ष स्व॒प॒त्यस्य॑ । स्व॒प॒त्यस्य॑ शि॒क्षोः॑ ।  
 स्व॒प॒त्यस्ये॑ति सु – अप॒त्यस्य॑ । शि॒क्षोरि॑ति शि॒क्षोः॑ ॥ अ॒ग्ने रा॑यः ।  
 रा॒यो नृ॑तमस्य । नृ॑तमस्य प्र॒भूतौ॑ । नृ॑तमस्ये॒ति नृ – त॒मस्य॑ ।  
 प्र॒भूतौ॑ भू॒याम॑ । प्र॒भूता॒विति॑ प्र – भू॒तौ । भू॒याम॑ ते । ते सु॒ष्टु॒तयः॑ ।  
 सु॒ष्टु॒तयश्च॑ । सु॒ष्टु॒तय इति॑ सु – स्तु॒तयः॑ । च व॒स्वः । व॒स्व इति॑  
 व॒स्वः ॥ अ॒ग्ने स॒ह॒न्तम् । स॒ह॒न्त॒मा । आ भ॑र । भ॒र द्यु॒म्नस्य॑ ।  
 द्यु॒म्नस्य॑ प्रा॒सहा॑ । प्रा॒सहा॑ र॒यिम् । प्रा॒सहे॑ति प्र – स॒हा ।  
 र॒यिमि॑ति र॒यिम् ॥ वि॒श्वा यः॑ । यश्च॑र्ष॒णीः । 29 (50/58)

**T.S.1.3.14.7 - Kramam**

च॒र्ष॒णीर॑भि । अ॒भ्या॒सा । आ॒सा वा॒र्जेषु॑ । वा॒र्जेषु॑ सा॒सह॑त् ।  
 सा॒सह॑दिति सा॒सह॑त् ॥ त॒म॒ग्ने । अ॒ग्ने पृ॑त॒नास॑हम् ।  
 पृ॑त॒नास॑ह॒ र॒यिम् । पृ॑त॒नास॑हमि॒ति पृ॑त॒ना-स॑हम् । र॒यि॒ सह॑स्वः ।  
 स॒ह॒स्व आ॑ । आ भ॑र । भ॒रेति॑ भ॒र ॥ त्व॑ हि । हि स॒त्यः । स॒त्यो  
 अ॒द्भु॑तः । अ॒द्भु॑तो दा॒ता । दा॒ता वा॒जस्य॑ । वा॒जस्य॑ गो॒मतः॑ । गो॒मत  
 इति॑ गो – म॒तः । उ॒क्षान्ना॑य व॒शान्ना॑य । उ॒क्षान्ना॑येत्यु॒क्ष – अ॒न्नाय॑ ।  
 व॒शान्ना॑य सोम॑पृ॒ष्ठाय॑ । व॒शान्ना॑येति व॒शा – अ॒न्नाय॑ ।

प्रथम काण्डे – तृतीयः प्रश्नः – (TS 1.3)

सोम॑पृ॒ष्ठाय॑ वे॒धसे॑ । सोम॑पृ॒ष्ठाये॒ति सोम॑ – पृ॒ष्ठाय॑ । वे॒धस॑ इति॑  
वे॒धसे॑ ॥ स्तो॒मैर् वि॒धेम॑ । वि॒धेमा॒ग्नये॑ । अ॒ग्नय॑ इत्य॒ग्नये॑ ॥  
व॒द्मा हि॑ । हि॒ सूनो॑ । सूनो॑ अ॒सि । सूनो॑ इति॑ सूनो॑ । अ॒स्य॒द्वस॑द्वा ॥  
अ॒द्वस॑द्वा च॒क्रे । अ॒द्वस॑द्वेत्य॒द्व – स॑द्वा । च॒क्रे अ॒ग्निः । अ॒ग्निर्  
ज॒नुषा॑ । ज॒नुषा॑ऽज्म । अ॒ज्मान्न॑म् । अ॒न्नमि॒त्यन्न॑म् ॥ स त्वम् । त्वम्  
नः । न ऊ॒र्जस॑ने । ऊ॒र्जस॑न ऊ॒र्जम् । ऊ॒र्जस॑न इत्यू॒र्ज – स॑ने ।  
ऊ॒र्जम् धाः॑ । धा॒ राजा॑ । राजे॒व । इ॒व जेः॑ । जे॒रवृ॑के ।  
अ॒वृके॑ क्षे॒षि । क्षे॒ष्यन्तः॑ । अ॒न्तरि॒त्यन्तः॑ ॥ अ॒ग्न आ॒यू॒षि ।  
आ॒यू॒षि प॑वसे । 30 (50/57)

**T.S.1.3.14.8 - Kramam**

प॑वस आ । आ सु॒व । सु॒वो॒र्जम् । ऊ॒र्जमि॒षम् । इ॒षम् च॑ । च नः॑ ।  
न इति॑ नः॑ ॥ आ॒रे बा॒धस्व॑ । बा॒धस्व॑ दु॒च्छुना॑म् । दु॒च्छुना॑मिति॑  
दु॒च्छुना॑म् ॥ अ॒ग्ने प॑वस्व । प॑वस्व स्व॒पाः । स्व॒पा अ॒स्मे । स्व॒पा  
इति॑ सु – अ॒पाः । अ॒स्मे वर्चः॑ । अ॒स्मे इत्य॒स्मे । वर्चः॑ सु॒वीर्य॑म् ।  
सु॒वीर्य॑मिति॑ सु – वी॒र्य॑म् ॥ द॒धत् पो॑षम् । पो॑ष॒ रयि॑म् ।

रयि॑म् मयि॑ । मयी॑ति मयि॑ ॥ अग्ने॑ पाव॒क । पाव॒क रोचि॑षा ॥  
 रोचि॑षा म॒न्द्रया॑ ॥ म॒न्द्रया॑ दे॒व । दे॒व जिह्वा॑ ॥ जिह्वा॑येति॑ जिह्वा॑ ॥  
 आ दे॒वान् । दे॒वान् व॒क्षि । व॒क्षि य॒क्षि । य॒क्षि च । चेति॑ च ॥  
 स नः॑ । नः पाव॒क । पाव॒क दी॒दिवः॑ । दी॒दिवो॑ऽग्ने॑ । अग्ने॑ दे॒वान् ।  
 दे॒वाँ इ॒ह । इ॒हा । आ व॒ह । व॒हेति॑ व॒ह ॥ उप॑ य॒ज्ञम् । य॒ज्ञँ ह॒विः ।  
 ह॒विश्च॑ । च नः॑ । न इति॑ नः॑ ॥ अ॒ग्निः शुचि॑व्रत॒तमः॑ । शुचि॑व्रत॒तमः॑  
 शुचिः॑ । शुचि॑व्रत॒तम इति॑ शुचि॑व्रत – त॒मः । शुचि॑र् वि॒प्रः । वि॒प्रः  
 शुचिः॑ ( ) । शुचिः॑ क॒विः ॥ क॒विरिति॑ क॒विः ॥ शुची॑ रोच॒ते । रोच॒त  
 आहु॑तः । आहु॑त इत्या॒हुतः॑ ॥ उद॑ग्ने॑ । अग्ने॑ शुच॒यः । शुच॒यस्त॒व ।  
 तव॑ शु॒क्राः । शु॒क्रा भ्राज॑न्तः । भ्राज॑न्त ईर॒ते । ईर॒त इती॑रते ॥  
 तव॑ ज्योती॑षि । ज्योती॑ष्य॒र्चयः॑ । अ॒र्चय॑ इत्य॒र्चयः॑ ॥ 31 (54/67)  
 (पुरु॑निष्ठः – पु॒र्वणी॑क – भ॒रा – ऽभि॑ – वयो॑भि – र्य –  
 आयु॑षि – वि॒प्रः शुचि॑ – श्व॒तुर्द॑श च) (A14)

प्रथम काण्डे – तृतीयः प्रश्नः – (TS 1.3)

**Prasna Korvai with starting Padams of 1 to 14 Anuvaakams :-**

(दे॒वस्य॑-र॒क्षो॑ह॒णो॑ -वि॒भू-स्त्व॑ꣳ सो॒मा- ऽत्य॑न्या॒नगां॑ - पृ॒थि॒व्या -  
इ॒षे त्वा - ऽऽदे॑ वा॒क्त-सं॑ते- स॒मु॒द्रꣳ- ह॒विष्म॑ती- हृ॒दे-  
त्व॑म॒ग्ने॒रु॒द्र-श्च॑तु॒र्दश॑ । )

**Korvai with starting Padams of 1, 11, 21 Series of Panchaatis :-**

(दे॒वस्य॑-ग॒म॒ध्ये-ह॒विष्म॑तीः-प॒व॒स-ए॒क॒त्रिं॑शत् । )

**First and Last Padam of Third Prasnam:-**

(दे॒व॒स्या-ऽर्च॑यः)

॥ हरिः ओं ॥

॥ इति प्रथम काण्डे तृतीयः प्रश्नः – क्रम पाठः समाप्तः ॥

=====

## तैत्तिरीय संहिता क्रम पाठे (TS 1.3)

### Details of Panchati, Padam and Krama Vaakyams for Kandam 1 – Prasanam 3 – (TS 1.3)

	Panchati	Padams	Krama Vaakyams
Anuvakam 1	2	118	132
Anuvakam 2	2	102	136
Anuvakam 3	1	58	74
Anuvakam 4	3	131	148
Anuvakam 5	1	60	66
Anuvakam 6	2	119	132
Anuvakam 7	2	81	91
Anuvakam 8	2	94	112
Anuvakam 9	2	105	116
Anuvakam 10	2	78	96
Anuvakam 11	1	76	82
Anuvakam 12	1	34	40
Anuvakam 13	2	97	106
Anuvakam 14	8	414	464
Total →	31	1567	1795